



Convocatoria das eleccións á dirección do departamento de Construcións e Estruturas Arquitectónicas, Cívís e Aeronáuticas

Ao abeiro do que establecen os Estatutos da Universidade da Coruña e o Regulamento electoral xeral (REX), como director do departamento de Construcións e Estruturas Arquitectónicas, Cívís e Aeronáuticas, RESOLVO convocar as eleccións á dirección deste departamento, nas condicións e segundo o procedemento que figura no anexo I e no calendario que figura no anexo II.

Esta convocatoria publicarase no Taboleiro Electrónico Oficial da Universidade da Coruña.

O director en funcións

Jacobo Manuel Díaz García



ANEXO I

I. COLEXIO ELECTORAL

O Consello do Departamento de Construcións e Estruturas Arquitectónicas, Cívís e Aeronáuticas constituirá o colexio electoral para as eleccións á dirección do devandito departamento.

II. PERSOAS ELIXIBLES

Son persoas elixibles os membros do consello que teñan a condición de profesorado doutor con vinculación permanente á Universidade, así como o profesorado non doutor nos casos sinalados no artigo 44 do REX.

III. PERSOAS ELECTORAS

Son persoas electoras todos os membros da consello do departamento que pertencen ao PDI, ao PTXAS e ao estudantado, así como as persoas contratadas para tarefas de investigación nos termos previstos no artigo 3.1 do REX, sempre que figuren no censo electoral definitivo, que será publicado no prazo establecido no calendario do anexo II (artigo 38 REX).

IV. PRAZO E FORMA DE PRESENTACIÓN E PROCLAMACIÓN DE CANDIDATURAS

As persoas elixibles presentarán a súa candidatura de dous modos diferentes segundo sexan doutoras ou non.

1º. No prazo de presentación de candidaturas recollido no calendario do anexo II, as persoas elixibles doutoras presentarán a súa candidatura, dirixida á presidenta da Comisión Electoral Central, no rexistro do centro.

O escrito, asinado pola candidata ou candidato, conterá os seguintes datos:

- Nome e apelidos
- Número do documento oficial de identificación

As persoas responsables do rexistro do centro enviarán as candidaturas que lles presenten ao enderezo comision.electoral@udc.gal.

A proclamación provisoria e definitiva de candidatas e candidatos será realizada pola Comisión Electoral Central e publicarse na páxina web da UDC.

Dentro do prazo establecido no calendario do anexo II poderán presentarse recursos e solicitudes de rectificación por correo electrónico ao enderezo comision.electoral@udc.gal. Os recursos e as solicitudes de rectificación deberán resolverse no prazo establecido no calendario do anexo II.



Se non se presentasen recursos nin solicitudes de rectificación no prazo fixado, ou unha vez que se resolvan, a Comisión Electoral Central procederá á proclamación definitiva de candidaturas.

De se presentar só unha candidatura de profesorado doutor, a persoa candidata definitiva será proclamada electa sen necesidade de proceder á votación (artigo 16.4 do REX).

2º. Logo de finalizada a primeira volta de votación entre profesorado doutor sen que ningunha das persoas candidatas teña acadada maioría absoluta dos votos dos membros do consello de departamento, poderá presentar candidatura na propia sesión extraordinaria o profesorado non doutor.

A ditos efectos, rematada a primeira votación, a persoa directora do departamento ofrecerá ao profesorado non doutor a posibilidade de presentar a súa candidatura. Previa comprobación de que están no censo, a persoa secretaria do departamento recollerá na acta as persoas que se presentan como candidatas.

V. REUNIÓN EXTRAORDINARIA DO CONSELLO DE DEPARTAMENTO

1. Convocatoria:

De se presentar candidaturas de dous ou máis membros do profesorado doutor, a persoa directora de departamento en funcións deberá convocar aos membros do consello de departamento a unha reunión extraordinaria para a elección de directora ou director de departamento.

Co fin de que todas as persoas electoras poidan exercer o dereito ao sufraxio, a persoa directora de departamento evitará que a reunión extraordinaria coincida con calquera outra reunión de órganos colexiados no centro ao que se adscribe o departamento.

A sesión extraordinaria do consello de departamento será presidida pola persoa directora en funcións, salvo que se presentar como candidata, en cuxo caso presidirá o membro de máis idade presente no consello. Actuará como secretaria a persoa que o for do departamento, salvo que se presentar como candidata, en cuxo caso será substituída polo membro presente que designar a presidencia.

As papeletas, que serán elaboradas polo centro, conterán a relación de candidaturas proclamadas definitivamente, colocadas por orde alfabética, e un recadro ao lado para marcar o voto a favor da candidatura, nos termos dispostos no artigo 20 do REX.

2. Votación en primeira volta:

A presidencia concederá un espazo de 15 minutos a cada unha das persoas candidatas doutoras para exporen ante o consello o seu programa e, a continuación, outros 15 minutos para responderen ás preguntas que lles formularen os membros do consello.



Finalizadas as intervencións, procederase á votación, que será nominal e secreta.

Celebrada a votación, será proclamada directora de departamento aquela persoa candidata que obtiver o voto da maioría absoluta dos membros do consello de departamento.

3. Votación en segunda volta:

No caso de non haber ningunha persoa candidata que obtiver a maioría absoluta, procederase a unha segunda votación na mesma sesión do consello.

A presidencia ofrecerá ao profesorado non doutor con vinculación permanente a posibilidade de presentar a súa candidatura e lle ofrecerá un espazo de 15 minutos para expor ante o consello o seu programa e, a continuación, outros 15 minutos para responder ás preguntas que lle formular os membros do consello.

Finalizadas as intervencións, procederase á votación, que será nominal e secreta, entre a persoa candidata doutora que teña acadado mais votos na primeira volta e as persoas candidatas non doutoras. Resultará elixida a candidata que obtiver un maior número de votos.

4. O resultado da votación será comunicado á Comisión Electoral Central para os efectos da súa publicación (artigo 41 do REX).

VI. PROCLAMACIÓN PROVISORIA E DEFINITIVA DA CANDIDATURA ELECTA

A proclamación provisoria e definitiva da persoa candidata electa será realizada pola Comisión Electoral Central e publicarase na web da UDC.

Dentro do prazo establecido no calendario do anexo II poderán presentarse recursos e solicitudes de rectificación por correo electrónico ao enderezo comision.electoral@udc.gal.

Os recursos e as solicitudes de rectificación deberán resolverse no prazo establecido no calendario do anexo II.

Se non se presentaren recursos nin solicitudes de rectificación no prazo fixado, ou unha vez que se resolvan, a Comisión Electoral Central procederá á proclamación definitiva da candidatura electas.



ANEXO II

CALENDARIO ELECTORAL

1. Convocatoria de eleccións (publicación): 22 de setembro de 2025 (luns)
2. Publicación do censo electoral provisorio: 23 de setembro de 2025 (martes)
3. Presentación e resolución de recursos e solicitudes de rectificación do censo electoral provisorio:

Presentación: do 24 de setembro (mércores) ao 26 de setembro de 2025 (venres), até as 14:00 horas

Resolución: do 29 de setembro (luns) ao 1 de outubro de 2025 (mércores)
4. Publicación do censo definitivo: 2 de outubro de 2025 (xoves)
5. Presentación de candidaturas: do 3 de outubro (venres) ao 9 de outubro de 2025 (xoves), até as 14:00 horas
6. Proclamación provisoria de candidaturas: 10 de outubro (venres)
7. Presentación e resolución de recursos e solicitudes de rectificación da proclamación provisoria de candidaturas:

Presentación: do 13 de outubro (luns) ao 14 de outubro de 2025 (martes), até as 14:00 horas

Resolución: do 15 de outubro (mércores) ao 16 de outubro de 2025 (xoves)
8. Proclamación definitiva de candidaturas: 17 de outubro de 2025 (venres)
9. Campaña electoral: do 20 de outubro (luns) ao 22 de outubro de 2025 (mércores)
10. **Votación: 24 de outubro de 2025** (venres)
11. Proclamación provisoria da candidatura electa: 27 de outubro de 2025 (luns)
12. Presentación e resolución de recursos e solicitudes de rectificación da proclamación provisoria da candidatura electa:

- Presentación: do 28 de outubro (martes) ao 29 de outubro de 2025 (mércores), até as 14:00 horas
Resolución: do 30 de outubro (xoves) ao 3 de novembro de 2025 (luns)
13. Proclamación definitiva da candidatura electa: 4 de novembro de 2025 (martes)